

Ie kunt de boom in.


Now loop ik toch al eel wat jören op disse aerdkloot rond, maer a-j der op letten wat ter in oew umgèving gebeurt, bint ter toch steeds nog ni'je zakies te ontdekken.

Zo weet ik al lange dät de eileuvers in oge nösten un eier lèggen en de jongen groot brengt. Maer dät bint meistens deur mensen eplaatste paolen met een takkebos as veur-evörm nöst. Mosse ik lestens bosskopen doen in Kampen en bin-k aover de Iesseldiek terugge ere'jen en ziek inies een eileuvernöst in een boom.



Ma-k bärsten . . . dät is de eerste keer da-k zoiets zie. Die olde ston recht op 't nöst en de drie kukens die al zo groot waeren as grote kippen waeren alweer an 't skooien. Eigenlijk is de ooievaer elemaal niet zo'n mooie vaogel en döörumme ebben die (H)agenezen dät ook as symbool in um stadswaepen staon. 't Gef ook precies an hoe die (H)agenezen bint . . .

Oog op de poten . . . Slecht in de veren . . . en een Veskrikkelijke grote bek !



Maer goed . . . toen ik dät nöst 'smörgens zage was 't meraekels goed weer en a-k de camera netuurlijk niet bi'j mi'j. En ondanks dät de lucht steeds dreigende wier en der zo of en toe een spattien begon te vallen, bin-k middes toch nog èven terugge egaon umme ien en ander vast te lèggen . . . anders geleuf ik straks mi'jzelf niet ies meer.



En toen ik bi'j 's (H)erenbroek ook nog een plekkien met veldbuumpies zagge, mossen die der ook maer èven bij.

